

**ZAKON**  
**O DOPUNAMA ZAKONA O TRANSPLANTACIJI ORGANA I TKIVA**  
**U SVRHU LIJEČENJA**

**Član 1.**

U Zakonu o transplantaciji organa i tkiva u svrhu liječenja ("Službene novine Federacije BiH", br. 75/09 i 95/17- u daljnjem tekstu: Zakon), u članu 20. iza stava (4) dodaju se novi st. (5), (6), i (7) koji glase:

"(5) Izuzetno od stava (1) ovog člana uzimanje organa, odnosno tkiva od živog darivaoca može se provoditi od nesrodnog živog darivaoca isključivo ukoliko ne postoji mogućnost darivanja propisanog stavom (1) ovog člana, a pod uvjetima propisanim ovim zakonom i shodnom primjenom odredbi čl. 17. do 27. ovog zakona.

(6) O uzimanju organa, odnosno tkiva od živog darivaoca u svrhu presađivanja primaocu na osnovu stava (5) ovog člana prethodno odlučuje multidisciplinarni stručni tim i etička komisija zdravstvene ustanove u kojoj će se izvršiti presađivanje, pri čemu će:

- izvršiti procjenu i analizu razloga darivanja,
- izvršiti potpunu medicinsku, fizičku i psihosocijalnu procjenu darivaoca,
- ishoditi pisano mišljenje i saglasnost izabranog doktora medicine primarne zdravstvene zaštite darivaoca.

Pod medicinskom procjenom u smislu ovog stava obavezno se podrazumijevaju: procjena historije bolesti darivanja, podaci o ponašanju i putovanjima s dodatnim informacijama od izabranog doktora medicine primarne zdravstvene zaštite, klinički pregledi i testovi potrebni za procjenu prihvatljivosti darivaoca i organa za darivanje, te (ako je potrebno) procjena kompatibilnosti sa primaocem.

Pod fizičkom i psihosocijalnom procjenom u smislu ovog stava obavezno se podrazumijeva procjena fizičkih i psihičkih rizika za zdravlje darivaoca, ispitivanje odnosa potencijalnog darivaoca i primaoca, procjena psihološke i socijalne prihvatljivosti osobe za darivanje organa.

Sve procjene se moraju pisano evidentirati i obrazložiti.

(7) Multidisciplinarni stručni tim iz stava (6) ovog člana se formira za svaku transplantaciju posebno i odnosi se samo na predviđeni zahvat kod nesrodnog živog darivaoca. Multidisciplinarni stručni tim pomaže etičkoj komisiji u donošenju odluke dajući svoje pisano i obrazloženo mišljenje o razlozima darivanja, a čine ga: psiholozi, psihijatri, pravnici, doktori medicine, članovi akademske zajednice, odnosno njeni priznati dokazani stručnjaci, univerzitetski aktivni ili penzionisani profesori, a zavisno o konkretnom predviđenom zahvatu i potrebama i druge osobe. Multidisciplinarni stručni tim se formira na način i po postupku kako je to propisano i za formiranje etičke komisije."

## **Član 2.**

U članu 21. Zakona iza stava (2) dodaje se novi stav (3) koji glasi:

“(3) Ukoliko je riječ o zahvatu iz člana 20. stav (5) ovog zakona, to jest o uzimanju organa, odnosno tkiva od nesrodnog živog darivaoca, ne provodi se dokazivanje rodbinske, tazbinske, bračne ili izvanbračne veze između darivaoca i primaoca.”.

## **Član 3.**

Ovaj zakon stupa na snagu narednog dana od dana objavljivanja u “Službenim novinama Federacije BiH”.

PREDSJEDAVAJUĆI  
PREDSTAVNIČKOG DOMA  
PARLAMENTA FEDERACIJE BiH

Dragan Mioković

PREDSJEDAVAJUĆI  
DOMA NARODA  
PARLAMENTA FEDERACIJE BiH

Tomislav Martinović